

თვითმმართველი ქალაქ ფოთის (თვითმმართველი ერთეული) საკონკურსო

კომისიის სხდომის ოქმი N1

(საპროექტო მომსახურების შესყიდვა)

თვითმმართველი ქალაქ ფოთი

2 მაისი 2011 წელი

სხდომას ესწრებოდნენ:

1. თვითმმართველი ქალაქ ფოთის მერის მოადგილე დათო ხომერიკი -საკონკურსო კომისიის თავმჯდომარე;
2. თვითმმართველი ქალაქ ფოთის მერის სივრცითი მოწყობის, არქიტექტურისა და მშენებლობის სამსახურის უფროსი ირაკლი ნაჭეებია-კომისიის წევრი;
3. თვითმმართველი ქალაქ ფოთის მერის თანამემწე ბერდია ბუსქანძე-კომისიის წევრი; მოწვეული სპეციალისტები: თვითმმართველი ქალაქ ფოთის მერიის სივრცითი მოწყობის, არქიტექტურისა და მშენებლობის სამსახურის უფროსის მოადგილე ნუგზარ ტუღუში, არქიტექტურის განყოფილების უფროსი ლევან როგავა, სივრცითი მოწყობის განყოფილების უფროსი ვახტანგ მენაბდე.

დღის წესრიგი:

1. თვითმმართველობის ადმინისტრაციული შენობის საპროექტო მომსახურების კონკურსის საშუალებით შესყიდვასთან დაკავშირებით კონკურსანტების მიერ წარმოდგენილი დოკუმენტაციის განხილვა და კონკურსში გამარჯვებულის გამოვლენა.

მოისმინეს: ინფორმაცია იმის, შესახებ რომ თვითმმართველი ქალაქ ფოთის საკონკურსო თავმჯდომარის 2011 წლის 2 მარტის №38 ბრძანებით დამტკიცდა თვითმმართველობის ადმინისტრაციული შენობის საპროექტო მომსახურების კონკურსის საშუალებით შესყიდვასთან დაკავშირებული საკონკურსო დოკუმენტაცია (საკონკურსო განცხადება, კონკურსის პირობები, შეფასების კრიტერიუმი და სხვა).

კონკურსის მიზანს წარმოადგენს ქალაქ ფოთში, წმ. გიორგის ქუჩა N24 შენობის (მიწის (უძრავის ქონების) საკადასტრო კოდი N 04.02.08.452) ყოფილი ჰიდროტექნიკუმის შენობის თვითმმართველობის ადმინისტრაციულ შენობად რეკონსტრუქციასთან დაკავშირებით

საუკეთესო საპროექტო წინადადებების გამოვლენა და შემდგომში საპროექტო-სახარჯთაღრიცხვო დოკუმენტაციის დამუშავება.

საკონკურსო დოკუმენტაცია (საკონკურსო განცხადება, კონკურსის პირობები, შეფასების კრიტერიუმი და სხვა) გამოქვეყნდა სახელმწიფო შესყიდვების სააგენტოს ოფიციალურ ვებგვერდზე ([www.procurement.gov.ge](http://www.procurement.gov.ge)).

საკონკურსო განცხადების (N28) შესაბამისად, 2011 წლის 29 აპრილის 12 საათამდე საკონკურსო წინადადება წარმოადგინა ორმა კონკურსანტმა: 1. სს „ხურო“-მ (საკონკურსო წინადადების ფასი 99500 ლარი), 2. შპს „ბლოკ-ჯორჯია“-მ (საკონკურსო წინადადების ფასი 100 000 ლარი).


მოისმინეს მოწვეული სპეციალისტების თვითმმართველი ქალაქ ფოთის მერიის სივრცითი მოწყობის, არქიტექტურისა და მშენებლობის სამსახურის უფროსის მოადგილის ნუგზარ ტურუშის, არქიტექტურის განყოფილების უფროსის ლევან როგავას, სივრცითი მოწყობის განყოფილების უფროსის ვახტანგ მენაბედეს მოსაზრება ორივე კონკურსანტის მიერ წარმოდგენილ საპროექტო წინადადებებთან და თანდართულ დოკუმენტაციასთან დაკავშირებით. მოწვეული სპეციალისტების მოსაზრებით ორივე კონკურსანტის მიერ წარმოდგენილი საპროექტო წინადადებები და ესკიზები არ არის მისაღები.

„სახელმწიფო შესყიდვების შესახებ“ საქართველოს კანონის მე-7 მუხლის მე-2 პუნქტის „ვ“შეპუნქტის შესაბამისად შემსყიდველ ორგანიზაციას უფლება აქვს შეწყვიტოს შესყიდვის პროცედურა, ამასთანავე, შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტინდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

სახელმწიფო შესყიდვების სააგენტოს თავმჯდომარის 2011 წლის 10 თებერვლის N3 ბრძანების „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ შესაბამისად, საკონკურსო კომისიამ ხმათა უმრავლესობით დაადგინა:

1. მიზანშეწონილად ჩაითვალოს თვითმმართველობის ადმინისტრაციული შენობის საპროექტო მომსახურების კონკურსის საშუალებით შესყიდვასთან დაკავშირებით კონკურსის (საკონკურსო განცხადება N28) პროცედურის შეწყვეტა.
2. თვითმმართველ ქალაქ ფოთის საკრებულოს თავმჯდომარეს, კონკურსანტებს ეცნობოს საკონკურსო კომისიის გადაწყვეტილება.

კომისიის თავმჯდომარე



დათა ხომერივი  
ირაკლი ნაჟიებია

კომისიის წევრები:



ბერდია ბუსქანძე

ინფორმაცია ინტერესთა კონფლიქტის შესახებ

თვითმმართველი ქალაქ ფოთი

2 მაისი 2011 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ყველა პიროვნებამ, რომელიც შესყიდვის პროცესში შემსყიდველი ორგანიზაციის ინტერესებს წარმოადგენს, თავიდან უნდა აიცილოს ინტერესთა კონფლიქტის ყველანაირი სიტუაცია, ინტერესთა კონფლიქტის წარმომშობი მიზეზების ჩათვლით.

აღნიშნულიდან გამომდინარე, ჩვენ ქვემოთ ხელის მომწერნი საკონკურსო კომისიის წევრები და მოწვეული სპეციალისტები ვადასტურებთ, რომ არ ვიმყოფებით ინტერესთა კონფლიქტში, თვითმმართველობის ადმინისტრაციული შენობის საპროექტო მომსახურების (საკონკურსო განცხადება №28) შესყიდვასთან დაკავშირებით კონკურსში მონაწილე სს „ბურთ“-ს, შპს „ბლოკ-ჯორჯია“-ს მრმართ.

კომისიის თავმჯდომარე

დათო ხომერიკი

კომისიის წევრები:

ირაკლი ნაჟიებია

ბერდია ბუსქანძე

მოწვეული სპეციალისტები:

თვითმმართველი ქალაქ ფოთის მერიის  
სივრცითი მოწყობის, არქიტექტურისა და  
მშენებლობის სამსახურის უფროსის  
მოადგილე

ნუგზარ ტულუში

არქიტექტურის განყოფილების უფროსი

ლევან როგავა

სივრცითი მოწყობის განყოფილების  
უფროსი

ვახტანგ მენაბდე.